

Na osnovu člana 16. stav 2. Zakona o Vladi Zeničko – dobojskog kantona - Prečišćeni tekst (“Službene novine Zeničko-dobojskog kantona”, broj: 7/10) i člana 4. i 8. Zakona o koncesijama Zeničko-dobojskog kantona - Prečišćeni tekst (“Službene novine Zeničko-dobojskog kantona”, broj: 5/03), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 60. sjednici, održanoj dana 09.06.2020. godine, d o n o s i

## **ODLUKU**

### **o pristupanju provođenju procedure dodjele koncesije za eksploataciju prirodne vode iz vodozahvata „HLADIVODE“, općina Kakanj**

#### **Član 1. (Predmet)**

Pristupa se provođenju procedure dodjele koncesije za eksploataciju prirodne vode izdašnosti  $Q = 0,2375$  l/s iz vodozahvata „HLADIVODE“, sa dubine od cca 2,00 m, na parcelama označenim kao k.č. 1993 i 2005 u K.O. Tršće, općina Kakanj.

#### **Član 2. (Opšti eliminacioni kriteriji)**

##### **Osnovni zakonski uslovi:**

Privredno društvo, koje je ponuđač u postupku dodjele koncesije biće isključeno iz daljeg postupka dodjele ako ne dostavi:

- a) Studiju ekonomske opravdanosti sa Idejnim projektom.
- b) Dokaz o ranije stečenim pravima korištenja predmetne koncesije po osnovu vlasništva nad zemljištem i objektima ili odobrenje drugih organa dobivenih na osnovu posebnih zakona, u slučajevima kada je to neophodno za korištenje predmetne koncesije.

##### **Opći eliminacioni kriteriji za ličnu i profesionalnu sposobnost privrednog društva:**

- a) Uvjerenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu od 3 godine prije početka postupka dodjele koncesije ili od datuma registracije odnosno početka poslovanja, ako je ponuđač registrovan ili je počeo sa radom prije manje od 3 godine).
- b) Uvjerenje nadležnog organa da nije predmet stečaja ili likvidacije i da nije u postupku stečaja ili likvidacije.
- c) Uvjerenje nadležnog organa o izmirenim javnim prihodima (porezi, indirektni porezi, doprinosi za MIO/PIO i plaćenju koncesionoj naknadi).
- d) Aktuelno rješenje o upisu u sudski registar.

Dokazi se dostavljaju u originalu ili ovjerenoj kopiji i ne mogu biti stariji od 3 mjeseca računajući od dana dostavljanja ponude.

##### **Opći eliminacioni kriteriji vezani za ekonomsku i finansijsku sposobnost privrednog društva:**

- a) Izvod iz jedinstvenog registra računa Centralne banke BiH o svim računima ponuđača.
- b) Potvrda poslovne banke ponuđača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponuđač registrovan ili je počeo sa radom prije manje od 6 mjeseci.

**Član 3.**  
**(Posebni kriteriji za ocjenjivanje ponuda)**

Posebni kriteriji za izbor najpovoljnijih ponuda za dodjelu koncesije za eksploataciju prirodne vode iz člana 1. ove odluke su:

- 1) Minimalni iznos tekuće koncesione naknade je 1,5% od ukupnog godišnjeg prihoda ostvarenog korištenjem koncesije, a najviše po ovom kriteriju: .....60 bodova
  - 2) Minimalni iznos jednokratne koncesione naknade za eksploataciju vode u iznosu od 1,5 % ukupne investicije od 361.232,00 KM iznosi 5.418,48 KM (slovima: pethiljadačetiristotine osamnaest i 48/100 KM), a najviše po ovom kriteriju: .....30 bodova
  - 3) Minimalno učešće domaćih privrednih društava u izvođenju radova, koje će koncesionar angažovati, je 50%, a najviše po ovom kriteriju: .....10 bodova
- UKUPNO:100

**Član 4.**  
**(Vrijeme na trajanja koncesije)**

Vrijeme na koje se daje koncesija je 30 (trideset) godina, računajući od dana početka korištenja koncesije, odnosno početka eksploatacije izvorske vode.

**Član 5.**  
**(Preuzimanje tenderske dokumentacije)**

Preuzimanje tenderske dokumentacije vršit će se uz prezentaciju dokaza o uplati naknade za učešće na javnom oglasu u iznosu od 1.000,00 KM (slovima: hiljadu konvertibilnih maraka).

**Član 6.**  
**(Javno prikupljanje i evaluacija ponuda)**

Zadužuje se Ministarstvo za poljoprivredu, šumarstvo i vodoprivredu da u skladu sa članom 11. Zakona o koncesijama ("Službene novine Zeničko-dobojskog kantona", broj: 5/03), putem Komisije provede postupak javnog prikupljanja ponuda, izvrši odabir u skladu sa odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru i predloži Vladi da donese odluku o dodjeli koncesije najpovoljnijem ponuđaču.

**Član 7.**  
**(Stupanje na snagu)**

Ova Odluka stupa na snagu osmog dana od objavljivanja u "Službenim novinama Zeničko-dobojskog kantona".

Broj: 02-21-9524/20  
Datum, 09.06.2020. godine  
Z e n i c a

**PREMIJER**  
**po ovlaštenju**

*Mirnes Bašić*

DOSTAVLJENO:

1x Ministarstvo za poljoprivredu, šumarstvo i vodoprivredu,  
1x Ministarstvo za prostorno uređenje, promet i komunikacije i zaštitu okoline,

1x Ministarstvo finansija,  
1x "Službene novine Zeničko-dobojskog kantona",  
1x a/a.